

Ilanngussaq 1

Naqqiut

Siunnersuut 15. maj 2020-meersoq taarserpaa

(Makku naqqiutigineqarput. Peqqussutip nutserneqarnerani assigiiaartumik pitsaassusaannillu qulakkeeriniarluni suliaqartoqarpoq)

Umiartorneq pillugu inatsimmik allannguinerit pillugit inatsisit aamma pappialanik nalilinnik atortussaajunnaarsitsinermut inatsisip Kalaallit Nunaannut atuutilersinnerinut peqqussut

UAGUT MARGRETHE AAPPAAT, Guutip saammaaneragut Danmarkip Dronningia, nalunaarpugut:

Umiartorneq pillugu inatsimmik allannguneq aamma inatsisit assigiinngitsut allat (Aalisarnermi piginnaatitaaffinni qarasaasiakkut umiarsuarnik nalunaarsuineq, pant-i, akiliussisarneq il.il., annaassiniartut akissarsiaannik agguataarineq aamma umiarsuit angerlarsimaffii) pillugit inatsimmi nr. 526, 7. juni 2006-imeersumi § 6, imm. 2, 1. imm., umiartortut atorfinitsinneqartarnerini pissutsit il.il. pillugit inatsit, imaani angalanermi isumannaallisaaneq pillugu inatsit aamma inatsisit assigiinngitsut allat (atorfinitsitsinermi pissutsinik umiarsuaatileqatigiiffimmiit naammassinninngitsuuinermi umiartortut aningaasatigut inissisimanerannik isumannaallisaaneq, imaani sanaartornernik sukumiinerusumik isumannaallisaaneq, umiarnarlukunik piiiaanermut atatillugu isumannaallisaaneq, aqqartartoqarnermik misissuiviginnittarnermik naammassiuminarsaaneq il.il.) pillugit inatsimmi nr. 400, 2. maj 2016-imeersumi § 7, imm. 2, umiartorneq pillugu inatsimmik allannguneq aamma imaani isumannaallisaaneq pillugu inatsit (umiarnarlukunik piiaanermi akisussaaffimmik killiliinermut akia, umiarsuarnik nalunaarsuineq pillugu nunani tamalaani pillaatissiinernik naammassinninneq, namminersortunik umiarsualiveqarnernut akitsuutit il.il.) pillugit inatsimmi nr. 1546, 19. december 2017-imeersumi § 4, stk. 2, umiartorneq pillugu inatsimmik allannguneq aamma eqqartuussivikkoortumik nalunaarsuinermit akitsuut pillugu inatsit (umiarsuit qallunaat erfalasuata ataaniitilernissaannut nunani allamiut piginnittut periarfissaat pillugit maleruagassanik aaqqiineq erseqqissaanerlu, aamma akunnattumik angissusilinnik sunngiffimmi angallatinik nalunaarsuineq piuminarsagaq) pillugit inatsimmi nr. 1548, 19. december 2017-imeersumi § 5, imm. 2, umiartorneq pillugu inatsimmik aamma Handelsflåens Velfærdsråd pillugu inatsit (Handelsflådens Velfærdsråd-ip aamma Søfartens Arbejdsrådsrådene-ip kattanueqarneri aamma inuussutissarsitugalugu angallatinut mikinerusunut akiliutit ukiumoortut aaqqinneqarneri) pillugit inatsimmi nr. 139, 28. februar 2018-imeersumi § 5, umiartorneq pillugu inatsimmik allannguinerit aamma pappialanik nalilinnik atortussaajunnaarsitsinermut inatsit

(Qarasaasiakkut umiarsuarnik nalunaarsuineq) pillugit inatsimmi nr. 205, 5. marts 2019-imeersumi § 4, aamma § 8, imm. 2, inatsimmi nr. 569, 10. maj 2022-meersumi ingerlatsiviit pillugit inatsisip, umiartorneq pillugu inatsisip, paasissutissiinermut kiffartuussinermut inatsit, taassuma ataaniilluni elektroniskimik niuernermin inatsisit aammalu inatsisit assigiinngitsut allat (sukumiinerusumik inatsisinik atuutsitsineq nunani EU-qarfiusuni kiffartuussinermik neqerooruteqartunut il.il.) allanngortinneqarnera naapertorlugit aalajangiunneqarpoq:

§ 1-i

Peqqussummut nalunaarut nr. 827, 15. august 2019-imeersoq naapertorlugu kunngip peqqussutaatigut Kalaallit Nunaannut atuutilersinneqartukku, umiartorneq pillugu inatsimmi, tulliuuttut allannguutit suliarineqarput:

1. § 2, imm. 1, imatut allanneqassaaq:

»§ 1-i naapertorlugu qallunaajusutut isigisaanngitsunut umiarsuarnut niuffagiutinut, qallunaat umiarsuaattut nalunaarsorneqarnermut piunasaqaatit pillugit, ilaatillugit suliat suut Danmark-imi suliarineqarnissaat pillugit maleruagassanik, erhvervsminister-i aalajangersaasinnaavoq. Erhvervsminister-i aammattaaq, misissuinissaq assigisaallu siunertaralugit saaffigineqarsinnaasussamik, piginnittuusorlu imaluunniit umiarsuaatileqatigiit sinnerlugit eqqartuussisulersuunneqarsinnaasussamik suleqatigiissitamik, piginnittup Danmark-imi toqqaanissaa pillugu maleruagassanik aalajangersaasinnaavoq.«

2. § 3, imm. 2-miit, »umiarsuarmitinneqassaaq aamma« peerneqarpoq.

3. Kapitali 2-mut qulequtaq aamma § 10 sioqqullugu qulequtaq peerneqarput, taarsiullugulu ikkunneqarpoq:

»Matrikulering« »Sinaakkusersuineq« (angallatit suussusaannik angissusaannik sumiuussusiannillu nalunaarsuineq (nutserisumit)).

4. § 10, stk. 2-mi, 2. imm.-tut ikkunneqarpoq:

»Taamaattoq tamanna sunngiffimmi angallatinut atuutinngilaq. «

5. § 10, imm. 3-mi, 2. imm.-tut ikkunneqarpoq:

»Taamaattoq umiarsuaq sunngiffimmi atornissaa siunertaralugu sananeqarnera ingerlanneqarpat, minnerpaamillu 20 bruttotonnage-qarnissaa naatsorsuutigineqarluni, umiarsualiornermut nalunaarsuivimmut allanneqarsinnaavoq. «

6. § 11-ip kingorna ikkunneqarpoq:

»§ 11 a. Umiarsuit, killilersuineramik pineqaatissiissutinut ilaatinneqartut, imaluunniit Naalagaaffinnit Peqatigiinnit imaluunniit Europamiut Kattuffiannit aalajangigaasunik killilersuineramik pineqaatissiissutinut ilaatinneqartunit inunnit imaluunniit

peqatigiiffiusinnaasunit, suliffeqarfiusinnaasunit pisorta qarfiusinnaasuniilluunniit pigineqartut, qallunaat umiarsuarnik nalunaarsuviannut allanneqarsinnaassannginneri pillugit umiarsuarnik nalunaarsuisoq aalajangiisinnaavoq. «

7. § 12, imm. 4, 1. imm.-tumi, »§ 15, imm. 3, aamma §§ 22-39« allanngortinneqarpoq imaalillugu:

»§ 15, imm. 3, 1. imm., aamma §§ 22-39, 45 aamma 46«.

8. § 12, imm. 4, 1. pkt-imi, allanngortinneqassaaq »§ 15, imm. 3, 1. pkt.« imaalerluni: »§ 15, imm. 3, 2. pkt., aamma imm. 4«.

9. § 12, imm. 4, 1. pkt., atorunnaarsinneqassaaq, taarsiullugulu ikkunneqassaaq:

»§ 10, imm. 3, § 15, imm. 3, 2. pkt., aamma imm. 4, §§ 22-27, § 39, imm. 1-3, §§ 45-46 a, § 46 b, imm. 2 aamma 3, aamma § 46 e minillugit, aalajangersakkat kapitali 2 aamma 2 b-2 d-miittut pisariaqartumik malittarisassatigut sakkukillisaaffigineqartut atuutsinneqassapput angallatit nalunaarsorneqarfiannut nalunaarsuinermi. Kapitali 2 a angallatit nalunaarsorneqarfiannut nalunaarsuinermi atuutsinneqassanngilaq.«

10. § 13, imm. 1 atorunnaarpoq«, sunngiffimmi angallatinut 20-t inorlugit bruttotonnage-llit minillugit«.

11. § 15 a, imm. 2 aamma 3-mi, »kr.«-ip kingorna ikkunneqarpoq: », taamaattoq tak. imm. 10.«

12. § 15 a-mi imm. 5-imi, »imm. 2-4«-p kingorna ikkunneqassaaq: »aamma 10«.

13. § 15 a, imm. 7 aamma 8-mi, »imm. 1-6«-ip kingorna ikkunneqarpoq: »aamma 10«.

14. § 15 a-mi imm. 10-tut ikkunneqarpoq:

»Imm. 10. Umiarsuarnut niuffagiutinut aamma umiarsuarnut aalisariutinut 30-t inorlugit bruttotonnage-linnut ukiumoortumik akitsuut 300 kr.-iuvoq.«

15. § 17-ip kingorna ikkunneqarpoq:

»§ 17 a. Umiarsuaq, killilersuinerмик pineqaatissiissutinut ilaatinneqarpat, imaluunniit Naalagaaffinnit Peqatigiinnit imaluunniit Europamiut Kattuffiannit aalajangigaasunik killilersuinerмик pineqaatissiissutinut ilaatinneqartunit inunnit imaluunniit peqatigiiffiusinnaasunit, suliffeqarfiusinnaasunit pisorta qarfiusinnaasuniilluunniit pigineqarpat, taamaattoq tak. § 20, imm. 1-3, umiarsuarnik nalunaarsuisartoq umiarsuaq qallunaat umiarsuarnik nalunaarsuvianniit piarumallugu aalajangersinnaavoq. Umiarsuaatileqatigiiffiup paasissutissaatai malillugit imaluunniit allatut naammassineqarsimappat, umiarsuaq nunami killilersuinerмик pineqaatissiissutinut

ilaatinneqartumi nalunaarsorneqassasoq, § 17, imm. 4 imaluunniit imm. 5, 1. imm. naapertorlugu umiarsuarnik nalunaarsuisartup umiarsuaq nalunaarsuivimmiit piiarumangissinnaavaa.«

16. § 18-i imatut allanneqassaaq:

»§ 18. Umiarsuit nalunaarsuiviannut nalunaarutigineqarpat, umiarsuaq aalisariut imaluunniit umiarsuaq niuffagiut imaluunniit assigisaat, umiarsuit nalunaarsorfianni allassimasoq, 20-nik minnerusumik bruttotonnage-lik, inuussutissarsiornernut tunngasunut siunertanut atorunnaassasoq, umiarsuaq pant-itut, atugaanissamut piginnaatitaaffimmik imaluunniit piginnaatitaaffimmik allamik nalunaarsugaanngippat, umiarsuaq nalunaarsuivimmiit piarneqassaaq.

Imm. 2. Umiarsuaq pant-itut, atugaanissamut piginnaatitaaffimmik imaluunniit piginnaatitaaffimmik allamik nalunaarsugaappat, umiarsuarmi piginnaatitaaffinnut pioreersunut allanguutinik imaluunniit piginnaatitaaffinnik nutaanik nalunaarsuisoqarsinnaanngitsaq, tamanna quppernermut umiarsuup nalunaarsugaaffianut allanneqassaaq. Taamaattoq piigaanerit, akiligassaqarfigisamik allanguinerit, eqqartuussinernik nalunaarutiginik tiguisartoo pillugu aalajangersakkamik allanguineq aamma akiliisinnaajunnaarneq pillugu paasissutissat imaluunniit eqqartuussisutigut imaluunniit nammineerluni kingorngussassanik agguaanerit imaluunniit pissutsit allat piginnittutut nalunaarsugaasup atuisinnaanermut piginnaatitaaffinnik killiliisut nalunaarsorneqarsinnaapput.

Imm. 3. Umiarsuup piginnittuata nalunaarutigippagu, umiarsuaq allamut tunniunneqartoq, piginnittoq nalunaarsugaasooq umiarsuarmik atuinissamut piginnaatitaajunnaartoq, umiarsuarnik nalunaarsuivimmi umiarsuup qupperneranut tamanna allanneqassaaq.

Imm. 4. Umiarsuit nalunaarsuiviannut nalunaarutigineqarpat, umiarsuaq inuussutissarsiornernut tunngatillugu atorneqaqqittussanngortoq, tamanna umiarsuarnut nalunaarsuivimmut allatsinneq pillugu nalunaarnermut naligiisinneqassaaq. Piginnaatitaaffiit nalunaarsuineq sioqqullugu pilersinneqartut, tamatumunnga maleruagassat atuuttut misissorneqarsimappata, peqataasut avataaniittumut atuuttuunertik attatiinnassavaat.

Imm. 5. Imm. 1-imi eqqaaneqartutut pisoqartillugu umiarsuarmiit ilisarnaatitut naqinnerit ikuttarlugit piarneqarsimaneri pillugit umiarsuit nalunaarsuiviannut piginnittup nalunaarut nassiutissavaa.

Imm. 6. Imm. 5-imi piomasaaqammiit umiarsuarnik nalunaarsuisartooq immikkut ittumik akuersisinnaavoq.«

17. § 19, imm. 2, imatut allanneqarpoq:

»*Imm. 2.* Nalunaarut uppernarsaatini pisariaqartunik peqateqartinneqassaaq.«

18. § 20, imm. 3, 4. imm., atorunnaarsinneqarpoq.

19. §§ 28-miit 38-imut qulequtaq atorunnaarsinneqarpoq, taarsiullugulu ikkunneqarluni:

»Kapitali 2 a

Piginnaatitaaffinnik nalunaarsuineq

§ 27 a. Umiarsuit nalunaarsuvianni piginnittut piginnaatitaaffiit, pant-inut piginnaatitaaffiit allallu umiarsuit nalunaarsuvianni allassimasut umiarsuarnut piginnaatitaaffiit killillit kiisalu umiarsuarni taamaattuni pant-ilinnik qarasaasiakkut piginnittut pantebrev-nik underpantsæt-siinerit (tassa qularnaveeqqusiussaqarluni taarsigassarsinermi allagartamik qularnaveeqqusiussinerit) nalunaarsorneqassapput. Umiarsuit pillugit Søfartsstyrelsen-imi nalunaarsuinerit allat kapitali 2 a-2 c-mi aamma kapitel 2 e-mi aalajangersakkanut ilaatinneqanngillat.

Imm. 2. Piginnaatitaaffinnik imm. 1-imi eqqaaneqartunik Søfartsstyrelsen-ip sanaavini pappialani immersugassani imaluunniit qarasaasiakkut, qarasaasiakkut atsiornertalimmik nalunaaruteqarneq pisinnaavoq, taamaattoq tak. § 46 a, imm. 1, aamma § 46 b, imm. 1. Pantebrev-t isumaqatigiinniutaasinnaasut (Negotiable pantebrev) umiarsuarmik pant-eqaataasut § 46 a, imm. 1-i naapertorlugu Søfartsstyrelsen-i tamatumunnga maleruagassanik aalajangersaareersinnagu qarasaasiakkut nalunaarutigineqarsinnaanngillat.«

20. § 28-ip kingorna ikkunneqarpoq:

»**§ 28 a.** Tatigeqatigiilluni isumaqatigiissutiliarineqartunut aamma § 28, imm. 1-i naapertorlugu umiarsuarmut eqqartuussisulersuussinermut imaluunniit umiarsuaq pillugu isumaqatigiissutinut illersorniarlugit qarasaasiamiittuni ejerpantebrev-inut underpant-it nalunaarsorneqassapput.

Imm. 2. Imm. 1-i malillugu underpant-i aamma § 28, imm. 1-i malillugu isumaqatigiissut imaluunniit eqqartuussisulersuussineq, ejerpantebrev-imi imaluunniit ejerpantebrev-ip sinaakkutaata iluani, nalunaarsugaanngitsunik piginnaatitaaffinnik peersitsisinnaasusaaq, nammineq nalunaarsugaassaaq piginnittuulersorlu isumaqatigiissut malillugu tatigeqatigiinnermiissaaq.

Imm. 3. Qarasaasiami ejerpantebrev-imi underpant-imik nalunaarsukkamik pant-imik pigisalik eqqartuussisulersuussinermut aamma ejerpantebrev-ip sinaakkutaasa iluanni imaluunniit pantebrev-imi pant-imut piginnaatitaaffinni nalunaarsukkanut kingusinnerusunut salliutinneqartunik aamma ejerpantebrev-imi qularnaveeqqutilimmik tatigeqatigiilluni, piginnaatitaaffiit kingusinnerusut pillugit nalunaarutip pant-imik piginnittumut apuunneqarnerinut piffissamut, akiitsunut tunngasut qularnaqqasut sivitsorsinnaavai.

Imm. 4. Pantebrev-i pillugu isumaqatigiissutinut, aamma eqqartuussisulersuussinermut atuuttuulersinniarlugu imm. 1-imi eqqaaneqartut piginnaatitaaffinnik nuussinerit imaluunniit allatut tunniussinerit nalunaarsorneqassapput.«

21. § 29, imm. 2, imatut allanneqassaaq:

»*Imm. 2.* Pantebrev-i nalunaarsugaappat, § 46 a aamma § 46 b naapertorlugu qarasaasiakkut atuutilersinneqarsimanngippat, pantebrev-imik tunniussinermi nalunaarsuinissaq pisariaqanngilaq.«

22. § 31, imm. 1-imi, »umiarsuaq« kingoqqullugu ikkunneqarpoq: »imaluunniit ejerpantebrev-i umiarsuarmik pant-italik« aamma »umiarsuaq« kingorna: », taamaattoq tak. imm. 2 aamma 3.«

23. § 31-imi imm. 2-tut aamma 3-tut ikkunneqarput:

»Imm. 2. Akiliussinermi, ilaatinngit akiliussami pant-ilimmik pantebrev-i tunngavigalugu akiliussineq, aamma umiarsuarmik tigugarinninnermi, aamma umiarsuup pisiaritinneqarnerani imaluunniit naggataarutaasumik akiitsut akilerniarlugit tuniniaanermi tigusermi, umiarsuit nalunaarsuiviannut sapinngisamik piaartumik nalunaarsuinissamik akiliisitsiniaasartooq nalunaaruteqaqqusissaaq. Akiliisinnaajunnaartoqartillugu aamma pigisanik suliaqartartumit toqusut pigisaanik suliaqarnermi, pigisanik nakkutilliisartooq (kurator) imaluunniit pigisanik isumaginnittartooq (bobestyreer) pigisanik agguaassisarnermut eqqartuussivimmut nalunaarutigineqarpat, nalunaarsukkamik pigisat umiarsuarmik ilaqartut, pigisanik agguaassisarnermut eqqartuussivik tamatuminnaga umiarsuit nalunaarsuiviannut nalunaarsuinissamik nalunaaruteqaqqusissaaq.

Imm. 3. Aalajangiinerit allat, eqqartuussivimmit aalajangigaasut pillugit nalunaarutit, nalunaarsornissaanik eqqartuussivimmit nalunaarutigineqassasut Justitsminister-imik isumaqatigiinniareernermi Søfartsstyrelsen-i aalajangiisinnaavoq.«

24. § 34, imm. 1-imi, 2. imm.-tut ikkunneqarpoq:

»Aammattaaq §§ 46 a-miit 46 d-mut naapertorlugit aalajangersakkanik, piunasaqaatinik naammassinninngippat, allagaq itigartinneqassaaq.«

25. § 34-mi imm. 1-ip kingorna nutaatut ikkunneqarpoq:

»Imm. 2. Allakkap eqqunngitsuunera imaluunniit nalunaarsuivik malillugu piginnaatitaaffimmut attuumassuteqaqnginnera, imaluunniit annertunerusumik uppersaasarsugassaanerata naatsorsuutigineqarnera pillugu Søfartsstyrelsen-ip nalunaarsuineq kinguartissinnaavaa.«

Imm. 2 aamma 3 tamatuma kingorna imm. 3 aamma 4-nngussapput.

26. § 35, imm. 2, 2. imm., imatut allanneqassaaq:

»Taamaattoq pantebrev-it qarasaasiakkut atuutilersitat, aamma naalagaaffiup karsianut aamma naalagaaffimmit pilersinneqareersunut attartuisarfinnut pantebrev-it, umiarsuit nalunaarsuivianniit piginnaatitaasumit atsiortoqarneragut piiarneqarsinnaapput.«

27. § 36, imm. 1-imi »ulloq« allanngortinneqassaaq imaalerluni: »ulloq nalunaaqutarlu«.

28. § 36-mi imm. 1-ip kingorna nutaatut ikkunneqarpoq:

»Imm. 2. Qassinngorneranik nalunaaqutserlugu nalunaarutiginninnermut piffissamik aalajangersaanerit pillugit Søfartsstyrelsen-i maleruagassanik aalajangersaasinnaavoq. Taamaattoq, matuminnga saneqqutsisumik, allakkanut pappialanngorlugit tigusanut,

nalunaarutiginninnermut piffissaq pillugu Søfartsstyrelsen-i maleruagassanik aalajangersaasinnaavoq.«

Imm. 2 aamma 3 tamatuma kingorna imm. 3 aamma 4-nngussapput.

29. § 36-mi imm. 2 imatut allanneqarpoq:

»Imm. 2. Søfartsstyrelsep qassinngorneranik nalunaaqutserlugu nalunaarutiginninnermut piffissamik aalajangersaanerit pillugit Søfartsstyrelsen-i maleruagassanik kiisalu inatsiseqarnikkut sunniutaannik aalajangersaasinnaavoq, tassunga ilaallutik allakkat pappialanngorlugit tigusat qassinngorneranik nalunaaqutserlugu nalunaarutiginninnerit.«

30. § 36, imm. 2, imm. 3-nngortoq, imatut allanneqarpoq:

»Imm. 3. Allakkat, ataatsikkut nalunaarutigineqartut, nalunaarsuineri assigiisitaasutut isigineqarput. Suminngaaneerfittut pissutsit erseqqarlukkaluartut apeqqutaatinnagu, allakkat nalunaarsorneqassapput, kisiannili, umiarsuit nalunaarsuivianniit piffissaliussamik aalajangersakkap iluani nalunaaruteqartuniit suminngaaneerfimmik pissutsinik erseqqissaasoqanngippat nalunaarutit piiqqinneqassallutik.«

31. § 36-ip kingorna ikkunneqarpoq:

»§ 36 a. Allakkamik qarasaasiakkut nalunaarsukkamik tunngavillit, ernianik aamma qarasaasiakkut pantebrev-inik isumaqatigiinniutigineqarsinnaasunik nalunaarsukkanik akilersukkanut akiliinerit, tatigeqatigiinnikkut suliarineqarunik, eqqartorneqartunik akiliutigineqartunik, taamaatitsitsinernik assigisaannillu tigusinissamut piginnaatitaasumut, atuuttumik pitinneqarsinnaapput.

Imm. 2. Qarasaasiamiittoq nalunaarsugaasoq isumaqatigiinniutigineqarsinnaasoq pantebrev-i, pigiligassatut pant-itulluunniit tunniunneqarpat, akiligassalik tatigeqatigiinnikkut pituttugaajunnaarsitsisumik sunniutilimmik tunniussisumut erniat akiligassanngoqqasut akilersinnaavai. Akilersukkanut, pantebrev-i nalunaarsugaasoq malillugu piffissami aalajangersimasumik inissitami akiligassamut taamatuttaaq ippoq.

§ 36 b. Qarasaasiamiittoq isumaqatigiinniutigineqarsinnaasoq pantebrev-i imaluunniit qarasaasiamiittoq ejerpantebrev-imi underpant-i nalunaarsugaasoq malillugu akiligassalik, pantebrev-i imaluunniit underpantsætningen-i taamaatissaguniuk taamaallaat akiitsoq akilissallugu pisussaaffeqarpoq.

§ 36 c. Qarasaasiamiittoq isumaqatigiinniutaasinnaasoq nalunaarsugaq pantebrev-i malillugu akiligassalik, akilersukkanik akiliiffissaq ulloq kingulleq sioqqullugu akiliippat, ilaatillugit akilersukkat immikkut ittut, pantebrev-ip matumuuna appartinnissaa akiligassallip piumasarisinnaavaa. Qarasaasiami pantebrev-i malillugu aalajangersimasumik piffissaligaassussap akiliiffissap ulluata kingulliup kingorna akiligassalik akiliippat, akiligassalik immikkoortumik akiliinermut uppersaammik taamaallaat piumasaqarsinnaavoq.

Imm. 2. Akiligassaqaqarnermut pissutsit atuukkunnaarsimappata, akiligassallip pantebrev-ip atorunnaarsinnissaa piumasarisinnaavaa. Aliligassaqaqarnermut pissutsit isumaqatigiinnikkut, pisassat naatsorsuunnerisa nalunaarutiginerisigut, eqqartuussutikkut imaluunniit atorunnaarsitsinikkut allanngorpata, akiligassallip tamatuma nalunaarsorneqarnissaa piumasarisinnaavaa.«

32. § 37-imi imm. 2-p kingorna nutaatut ikkunneqarpoq:

»*Imm. 3.* Isumaqatigiinniutaasinnaasumik pantebrev-imik nalunaarsukkamik qarasaasiamiittumik pigisassatut imaluunniit pant-itut tunniussinermi aammattaaq § 37 a aamma § 37 b-miittut maleruagassat atuupput.«

Imm. 3 tamatuma kingorna imm. 4-nngorpoq.

33. § 37, *imm. 3-mi*, imm. 4-nngortumi, »imm. 1 aamma 2« allanngorpoq: »imm. 1-3«-nngorluni.

34. § 37-ip kingorna ikkunneqarpoq:

»§ **37 a.** Qarasaasiamiittoq pantebrev-i isumaqatigiinniutaasinnaasoq nalunaarsugaq, umiarsuit nalunaarsuiviat malillugu piginnaatitaasumit pigisassatut imaluunniit pant-itut tunniunneqarpat, piginnittunngortullu tatigeqatigiinnikkut tunniussineq nalunaarsugannngortillugu, piginnittunngortoq kunngip peqqussutaagut Kalaallit Nunaannut atuutilersinneqartukut akiitsunut allagartat pillugit inatsimmi § 15, imm. 1-imi ilaatinneqartunik akiitsulimmiit akerliliinernik naapeqateqarsinnaanngilaq.

Imm. 2. Kunngip peqqussutaatigut Kalaallit Nunaannut atuutilersukkut akiitsunut uppersaatit pillugit inatsimmi (gældsbrevslovens) § 16 malillugu akiitsullip tatigeqatigiilluni piginnittuulersumut akerliliisinnaanini piginnassavaa. Kunngip peqqussutaatigut Kalaallit Nunaannut atuutilersukkut akiitsunut uppersaatit pillugit inatsimmi (gældsbrevslovens) § 17 malillugu akiitsullip akerliliisinnaaneranut taamatut atuuppoq.

§ **37 b.** Pantebrev-i isumaqatigiinniutaasinnaasoq nalunaarsugaasoq qarasaasiamiittoq, umiarsuit nalunaarsuiviat malillugu piginnaatitaasumit pigisassatut imaluunniit pant-itut tunniunneqareerpat aamma piginnittuulersup tatigeqatigiinnikkut piginnaatitaaffini nalunaarsugannngortereerpagu, umiarsuit nalunaarsuiviat malillugu piginnaatitaasimasup nammineersinnaanngitsuusimanera imaluunniit pantebrev-imik atuisinnaanissamut piginnaatitaaffimik amigaateqarsimanera, piginnittuulersup piginnaatitaaffianut akornngutaanngilaq.

§ **37 c.** Pigisassatut imaluunniit pant-itut, qarasaasiamiittumik isumaqatigiinniutaasinnaasumik pantebrev-imik tunniussamik nalunaarsugannngortitsisimasunut, matussutissatut naatsorsuunneqarsinnaasumik akiitsulik pisassaqaarsimasoq aammalu matussusiussassatut naatsorsuussinissaq pitinneqanngippat akiitsulik tunniussinermi annaasaqassasoq piginnittuulersup nalusimanngippagu taamaallaat, akiitsulik tunniussisup pisasaanik naatsorsuussinissamut piunasaqarsinnaavoq.

Imm. 2. Taamaattoq makkunannga pisunit akerliliinerit pillugit allamik maleruagassat malillugit allassimasoqangippat, pisassat naatsorsuunneqarnissaannut periarfissat, pantebrev-imit pisassanut eqqartuussinermi pissutsit assinginik aallaaveqartut, tunniussisoqaraluartoq piginnarneqassapput.«

35. § 38-ip kingorna qulequtaq peerneqarpoq, taarsiullugulu ikkunneqarluni:

»Kapitali 2 b

Nalunaarsuineramik suliaqarneq allagartaqarnerillu«.

36. § 39, *imm. 3, 2. imm.-mi*, », ilaatillugit aammattaaq telefax-i aqqutigalugu imaluunniit qarasaasiakkut ullorsiummut nuussukkanik allakkanik tigusineq pillugit nalunaarsuineq« peerneqarpoq.

37. § 39 *d-p* imatut allanneqarpoq:

»§ **39 d.** Umiarsuarmut aalajangersimasumut piginnaatitaaffik pillugu nalunaarutiginninnissamut imaluunniit atuinissamut piginnaatitaasoq, nalunaarsuinissamut piginnaatitaaffik pineqartoq pillugu allakkanik atuutilersitsinissamut nalunaarutiginninnissamullu pisinnaatitsissut, ilaatillugit umiarsuaq pillugu nalunaarutit, inummumut allamut tunniussinavaa. Pisinnaatitsissut umiarsuit nalunaarsuiviannut qarasaasiakkut imaluunniit pappialanngorlugu nassiunneqassaaq. Pineqartoq atuisinnaanermut piginnaatitaalersinnagu pisinnaatitsissut nassiunneqarsinnaavoq.

Imm. 2. Pisinnaatitaaffik (fuldmagten) tunngavigalugu nalunaarsuinissamut nalunaarutigineqartoq allagaq tiguneqartinnagu pisinnaatitaaffik nalunaarsorneqarsimanngippat, pisinnaatitaaffiup nassiunnissaanut ullunik 7-nnik sivisussusilimmik piffissarititamik umiarsuarnik nalunaarsuivik pisinnaatitaaffimmik pigisaqartumut tunniussissaaq.

Imm. 3. Umiarsuarnik nalunaarsuivimmumut nassiunneqartussat pisinnaatitaaffiit imarisassai aamma ilusilersornissai pillugit, ilaatillugit pisinnaatitaaffimmik tunniussisup aamma pisinnaatitaaffimmik pigisaqartup inuup- imaluunniit suliffeqarfiup normuanik paasissutissanik pisinnaatitaaffiup imaqarnissaa pillugit, aamma pappialanngorlugit pisinnaatitsissutit ima pilersitaasimasussaani qarasaasiamik atuarneqarsinnaassallutik, kiisalu pisinnaatitaaffiit atuuttuuffiisa sivisunerpaaffii pillugit Søfartsstyrelsen-i maleruagassanik aalajangersaasinnaavoq. Aammattaaq piginnaatitaaffimmik pineqartumik nalunaarsuivik malillugu aalajangiisuusinnaatitaanermumut piginnaatitaasumut imm. 1-i malillugu nalunaarsuinerumut atatillugu umiarsuit nalunaarsuiviat nalunaarummik nassiussisarnissaa pillugu aamma imm. 2-mi piumasaqarnikkut piffissarititamik sivitsuinissamik umiarsuit nalunaarsuiviat periarfissaa pillugu Søfartsstyrelsen-i maleruagassanik aalajangersaasinnaavoq.«

38. § 39 d-p kingorna ikkunneqassaaq:

§ 39 e. Pappiaqqatigut piginnaatitsinerup utertinneqarnerani, utertitsineq aatsaat piffissami umiarsuarnik nalunaarsuiffinni nalunaarsuisup umiarsuarnik nalunaarsuiffimmi digitaliusumik utertitsineq nalunaarutigippagu inatsisitigut kinguneqartinneqassaaq«.

39. §§ 41-mut aamma 42-mut qulequtaq atorunnaarsinneqarpoq, taarsiullugulu ikkunneqarluni:

»Kapitali 2 c

Akerlileeqqiutaasinnaasunut mattussinerit, ingerlatitseqqiinissamut periarfissat il.il.«

40. § 42-p kingorna qulequtaq atorunnaarsinneqarpoq.

41. § 43 imatut allanneqarpoq:

»§ 43. Manna inatsit naapertorlugu umiarsuarnik nalunaarsuisartup aalajangiineri, kimilluunniit eqqartuussisutigut tamatumunnga soqutigisalimmit suliassiissutigineqarsinnaavoq, makkununnga

- 1) umiarsuup piginnittua umiarsuaatileqatigiiffik Danmark-imi angerlarsimaffeqarpat, umiarsuaatileqatigiiffiup angerlarsimaffiani landsretskreds-imi landsretsimut, imaluunniit,
- 2) umiarsuarmik piginnittoq umiarsuaatileqatigiiffik Danmark-ip avataani angerlarsimaffeqarpat, Østre Landsretsimut.

Imm. 2. Pineqartumut aalajangiinerup nalunaarutigineqarneraniit ullunik 14-inik piffissaritap iluani landsretsimut pineqartumut aalajangiineq suliassiissutigineqassaaq. Taamaattoq landsretsi, qinnuteqaat tunniunneqarpat piffissap tamatuma kingorna qaammatit arfinillit qaangiutsinnagit, aamma pissutsit tamatumunnga tulluarpata, umiarsuarnik nalunaarsuisartup aalajangiinerata eqqartuussisulersuunnissaanut akuersisinnaavoq. Akuersissut nalunaarutigineqarpat, ullut 14-inngortinnagit suliassiissutigineqassaaq. Landsretsimi suliassiissutigineqarnerani aamma sularineqarnerani, sakkukilliliinerit pisariaqartut ilaatillugit, innuttaasut ingerlatitseqqiisarneri pillugit suliani maleruagassat atuuttut taamatuttaaq atuupput.

Imm. 3. Imm. 1-i aamma imm. 2, 1. aamma 2. imm. malillugit Landsretsip aalajangiinera ingerlateqqinneqarsinnaanngilaq. Taamaattoq ingerlatitseqqiineq apeqqutitut tunngaviusunut attuumassuteqarpat Eqqartuussivimmi suliap eqqartuussivimmut qulliunerusumut ingerlatseqqinneqarnissaanik akuersissutitut aalajangiisartut, aalajangiinerit eqqaaneqartut ingerlateqqinnissaannut akuersissummik tunisisinnaapput.«

42. § 45, imm. 1-imi, »ulloq nalunaarutiginniffiusoq« allangortinneqarpoq imaalillugu: »piffissaq nalunaarutiginniffiusoq«.

43. § 46-mi imm. 3-tut ikkunneqarpoq:

»Imm. 3. § 46 c naapertorlugu qarasaasiakkut atsiornermik atorneerluinerup kingunerisaanik imm. 1-i naapertorlugu nunap karsianiit taarsiisoqarsimappat, isumannaallisaanermut piunasaqaatit allagartap atuutilersinneqarnerani misissorsimanngippagit, naalagaaffik akiliutigisimasanik, allagartamik pigisaqartumiit utertitseqqusisinnaavoq. Pisuni allani akiliutigisimasanik utertitseqqusineq pillugu qallunaat eqqartuussisaasianni maleruagassat nalinginnaasut atuupput.«

44. § 46-p kingorna kapitalitut nutaatut ikkunneqarpoq:

»Kapitali 2 d

Qarasaasiakkut umiarsuarnik nalunaarsuineq

§ 46 a. Umiarsuit nalunaarsuivianni nalunaarsorneqarsinnaaniassammata umiarsuarmik pant-iliisut pantebrev-it isumaqatigiinniutigineqarsinnaasut, qarasaasiakkut atuutilersinneqartarnissaat pillugit Søfartsstyrelsen-i maleruagassanik aalajangersaasinnaavoq.

Imm. 2. Kunngip peqqussutaagut Kalaallit Nunaannut atuutilersukkut, akiitsut allagartaat pillugit inatsimmi kapitali II-mi aalajangersakkat, § 11, imm. 2 minillugu, umiarsuarmik pant-ilinnut qarasaasiamiittunut akiitsunut allagartanut isumaqatigiinniutigineqarsinnaasunut nalunaarsukkanut atuutinngillat, taamaattoq tak. § 37 a.

§ 46 b. Nalunaarsuinermit nalunaarutigineqartut allakkat § 46 a-mi eqqaaneqartunit allaasut, aammalu allakkat allat umiarsuarnik nalunaarsuivimmiit imaluunniit nalunaarsuivimmut nassiunneqartut, qarasaasiakkoortuunissaat pillugit Søfartsstyrelsen-i maleruagassanik aalajangersaasinnaavoq.

Imm. 2. Umiarsuarnik pant-iliisunut qarasaasiamiittunut akiitsut allagartaannut oqaatsinik makkuninnga »ikke til ordre« (»isumaqatigiinniutigineqarsinnaanngitsut allamullu tunniunneqarsinnaanngitsut« (nutserisumit)) ilasiffiusimasunut imaluunniit assingusumik apeqqutaatitsiffiusunut nalunaarsukkanut, aammalu akiitsunut allagartanut isumaqatigiinniutigineqarsinnaanngitsunut allamullu tunniunneqarsinnaanngitsunut nalunaarsukkanut qarasaasiamiittunut Kunngip peqqussutaagut Kalaallit Nunaannut atuutilersukkut, akiitsut allagartaat pillugit inatsimmi kapitali III-mi aalajangersakkat, atuupput, taamaattoq tak. imm. 3.

Imm. 3. Umiarsuarmik pant-ilinnik akiitsunut allagartanik qarasaasiamiittunik tunniussinermi kunngip peqqussutaagut Kalaallit Nunaannut atuutilersukkut akiitsut allagartaat pillugit inatsimmi § 31, imm. 1-4-mi maleruagassat atuutinngillat.«

45. § 46 d-p kingorna kapitali 3 sioqqullugu ikkunneqarpoq:

»Ejerpantebrev-inik allanngortitsineq

§ 46 e. Ejerpantebrev-inik allanngortitsineq pillugu, ilaatillugit Kalaallit Nunaannut atuutilersinneqartoq akiitsut allagartaat pillugit inatsimmi maleruagassat malillugit isumaqatigiissutitut imaluunniit eqqartuussisulersuussinernut illersugaanermik angusaqarsimasut ejerpantebrev-it nalunaarsukkat piginnaatitaaffiini illersugaaneq pigiinnarniarlugu ukiunik tallimanik piffissaliusseq qaangiutsinnagu nalunaarsugaanissaannut maleruagassat pillugit Søfartsstyrelsen-i maleruagassanik aalajangersaasinnaavoq.«

46. § 47-p siornani kapitalip qulequtaani »Kapitali 3« allanngortinneqarpoq: »Kapitel 2 e«-nngorlugu.

47. § 50 a-p kingorna qulequtaq imatut allanneqarpoq:

»Kapitali 3

Imaatigut pant-inut piginnaatitaaffiit aamma umiarsuarmik piginnaatitaaffiit allat«.

48. § 51, imm. 1, nr. 2, imatut allanneqarpoq:

»2) Umiarsualivinnut akitsuutitut, ikerasannut- aamma imaatigut aqquutitut akitsuutitut allanut aamma ilisimasortanut akitsuutitut pisortat piginnaatitaaffii aamma namminersortut piginnaatitaaffii.«

49. § 514, imm. 3-mi allanngortinneqassaaq »kapitali 1 aamma 2« imaalerluni: »kapitali 1, 2 aamma 2 d«.

§ 2

Inatsisikkut nr. 104, 3. Marts 1965-imeersukkut Kalaallit Nunaannut atuutilersinneqartumi, pappialanik nalilinnik atortussaajunnaarsitsinermut inatsimmi, tulliuuttut allannguutit suliarineqarput:

1. § 9, imm. 2-mi, 3. imm. -p kingorna nutaatut naggatitut ikkunneqarpoq:

» Pantebrev-i nalunaarsugaq taamaallaat pantebrev-itut qarasaasiakkut atuutilersinneqartussatut piumasarineqarsinnaavoq. «

§ 3

Imm. 1. Peqqussut atuutilerpoq ulloq [qarasaasiakkut umiarsuarnik nalunaarsuinerup atuutilernerata ullua]

§ 4

Imm. 1. Eqqartuussivikkoortumik nalunaarsuinermit akitsuutit pillugit inatsimmut aamma umiartorneq pillugu inatsimmik allannguneq pillugu inatsimmi nr. 1548, 19. december 2017-imeersumi § 5, imm. 3-mut ilaatinneqanngitsut Kalaallit Nunaanni angerlarsimaffillit

sunngiffimmi angallatit, minnerpaamik 5-nik, 20-llu ataallugit bruttotonnage-llit, ulloq [peqqussutip atuutilernerata ullua] pant-imik, atuinissamut piginnaatitaaffinnik imaluunniit allanik piginnaatitaaffinnik nalunaarsuisoqarsimanngippat, ullup tamatuma kingorna umiarsuarnik nalunaarsuivimmiit piarneqassaaq.

Imm. 2. Sunngiffimmi angallammi, minnerpaamik 5-nik, 20-llu ataallugit bruttotonnage-limmi, pant-imik, atuinissamut piginnaatitaaffinnik imaluunniit allanik piginnaatitaaffinnik nalunaarsuisoqarsimappat, tamanna ullup matuma [peqqussutip atuutilernerata ullua] kingorna angallammi piginnaatitaaffinnut pioreersunut allannguutininik imaluunniit piginnaatitaaffinnik nutaanik nalunaarsuisoqarsinnaanngitsoq umiarsuarnik nalunaarsuivimmi allanneqassaaq.

Taamaattoq piaaneriit, akiligassaqarfigisamik allannguinerinik nalunaarutit, pissutsit allat nalunaarsukkatut piginnittup aalajangiisutut piginnaatitaaffininik killiliisut, aamma pisortani imaluunniit inuinnarni kingorngussassat imaluunniit akiliisinnaajunnaarneq pillugu paasissutissat aamma eqqartuussisunit nalunaarutininik tigusinerit pillugit aalajangersakkamik allannguinerit nalunaarsorneqarsinnaapput.

Imm. 3. Allamut angallat tunniunneqarsimasoq ullup [peqqussutip atuutilernerata ullua] kingorna angallammik piginnittup nalunaarutigippagu, nalunaarsukkatut piginnittoq angallammut atuisinnaanermut piginnaatitaajunnaartoq, umiarsuit nalunaarsuiviannut allanneqassaaq.

Imm. 4. Umiarsuit nalunaarsuiviannut nalunaarutigineqarpat, umiarsuaq inuussutissarsiornermut tunngatillugu atorneqassasoq, tamanna umiarsuarnut nalunaarsuivimmut allatsinneq pillugu nalunaarnermut naligiisinneqassaaq. Piginnaatitaaffiit nalunaarsuineq sioqqullugu pilersinneqartut, tamatumunnga maleruagassat atuuttut misissorneqarsimappata, peqataasut avataaniittumut atuuttuunertik attatiinnassavaat.